



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0026356 24
Sarajevo, 14. avgust 2025. godine

SUD BOSNE I HERCEGOVINE
S A R A J E V O
-Sudiji za prethodno saslušanje-

Na osnovu člana 35. stav (2) tačka i), te člana 226. stav (1) i člana 227. Zakona o krivičnom postupku Bosne i Hercegovine (ZKP-a BiH), p o d i ž e m

OPTUŽNICU

PROTIV:

MATKOVIĆ MILANA, rođen 1985. godine u Mostaru, državljanin Bosne i Hercegovine i Republike Srbije.

Što je:

Dana 24.11.2024. godine oko 19:45 časova u Zavodu za izvršenje krivičnih sankcija, pritvora i drugih mjera BiH u Istočnom Sarajevu, u kojem se nalazi po Rješenju o određivanju mjere pritvora Suda BiH broj: ..., nakon što je izvršen pretres pritvorske jedinice u kojoj isti boravi, koji je izvršen od strane zavodskih službenika „(...)“ i „(...)“ uz nadzor zavodskog službenika „(...)“, po pronalaženju nedozvoljenih predmeta koji predmeti su te prilike oduzeti, tokom sprovođenja u samicu, zbog njegovog agresivnog ponašanja, se ovlaštenom zavodskom službeniku „(...)“, pri obavljanju službenih radnji u okviru svojih ovlaštenja, obratio sljedećim riječima: „Nije robija sto godina. Vidjećeš kad izađem. Neće na ovom ostati“, kojim riječima mu je stavio uz izgled da će ga napasti kad se nađe na slobodi, koje riječi je zavodski službenik „(...)“ ozbiljno shvatio, zbog načina na koji su mu upućene te usljed navedenih okolnosti, svjestan da na taj način ozbiljno prijeti da će napasti na službenu osobu u toku obavljanja službenih poslova, što je i htio.

Dakle, ozbiljno prijetio da će napasti službeno lice u institucijama Bosne i Hercegovine, koje obavlja poslove čuvanja lica koja su lišena slobode,

Čime je počinio krivično djelo „Napad na službeno lice u obavljanju poslova bezbjednosti, otkrivanju ili lišenju slobode učinioca krivičnih djela“ iz člana 241 b. stav 1. Krivičnog zakona Bosne i Hercegovine („Sl. Glasnik BiH“, br. 3/200-isp., 37/2003, 54/2004, 61/2004, 30/2005, 55/2006, 8/2010, 47/2014, 22/2015, 35/2018, 46/2021, 31/2023 i 47/2023).

TUŽILAC
TUŽILAŠTVA/TUŽITELJSTVA BiH